

榮  
惠  
錄

足  
本  
曾  
文  
正  
公  
全  
集

乙亥二月

杜就田署



版 權 所 有

中 華 民 國 二 十 四 年  
六 月 印 行

尾 會 文 正 公 全 集 (全二十冊)

平 裝 定 價 大 洋 十 二 元  
精 裝 另 加 裝 費 實 洋 六 角

標 點 者 謝 葦 豐

校 閱 者 方 秩 音

出 版 者 東 方 文 學 社

發 行 人 王 裕 聲

總 發 行 所 上 海 東 方 書 局

四 馬 路  
參 家 園

文 公 直 編

曼 殊 大

師 全 集

最 完 備 本

每 冊 一 元 二 角

曼殊大師為近代文學  
界中一個怪傑其思想  
之純潔高尚見解之明  
敏超凡文筆詩思精闢  
獨到詩歌之情感真挚  
可謂一時無雙而本書  
材料較各家刊本增加  
新發現遺帙二十餘篇  
譯文二篇譯詩十二首  
誠為最完善本

詩文集 每冊七角

小說集 每冊五角

凡已備全集者不  
必購此以免重複

# 曾文正公榮哀錄 目錄

將赴天津示二子書(九年四月)

不佞詩

不求詩

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

祭曾文正公文

病中哭文正師得三十韻

送文正師柩南歸泣賦

文正師祠堂落成紀事

哭太傅曾文正公師

補輓曾文正公詩

黃翼升

梅啓照

孫大言

錢應溥

陳艾

忠義局

書局

李傳麒

張裕釗

趙烈文

吳坤修

吳坤修

吳坤修

李元度

張文虎

輓曾文正公詩

輓曾文正公詩

輓曾文正公詩

輓曾文正公書聯

受業吳坤修 受業梅啓照 甥陳遠 浙江知縣

王厚堂 通判陶寶善 江蘇記名道江清曠 受

業章壽麟 廣西候補道程桓生 部民薛時雨

章一心復瑞垣瑞鈞兆起 中湘歐陽兆熊 歐陽

兆熊 小門生薛福成 知府劉景堯 晚生歐陽

第 江蘇知府桂中行 內弟歐陽秉鈞 江蘇知

府張兆鹿 受業劉翰清 門下晚生周世激 門

生黃翼升 江蘇按察使司應寶時 員外郎曹耀

湘 前湖北布政使厲雲官 幕士孫方與張燮昭

郭用孚 記名提督譚碧理 鄉晚生周開揚

許長怡 湖北提督郭松林 夔州知府蒯德模

兩淮運使方濬頤 年晚生錢振倫 長江船務委

員李泰源 同鄉木商張雲理 受業李鴻裔 安

徽壽春鎮郭寶昌 前山西布政司劉秉璋 門下

薛時雨

戴望

劉壽曾

# 曾文正公榮哀錄 卷一

將赴天津示二子書（九年四月）

余即日前赴天津查辦毆斃洋官焚毀教堂一案，外國性情凶悍，津民習氣浮囂，俱難和協。將來構怨興兵，恐致激成大變。余此行反覆籌思，殊無良策。余自成豐三年募勇以來，即自誓效命疆場，今年老病軀危難之際，斷不敢吝於一死，以自負其初心，恐邂逅及難，而爾等諸事無所稟承，略示一二，以備不虞。

余若長逝，靈柩自應由運河回江南，歸湘爲便。中間自臨清至張秋一節，須改陸路，較全行陸路爲差易。去年由海船送來之書籍、木器等，過於繁重，斷不可全行帶回。須細心分別去留，可送者分送，可毀者焚毀，其必不可棄者，乃行帶歸。毋貪瑣物而花途費，其在保定自製之木器，全行分送沿途謝絕一切，概不收禮。但水陸略求兵勇讓送而已。

余歷年奏摺，令胥吏擇要鈔錄。今已鈔一多半，自須全行擇鈔。鈔畢後存之家中，留與子孫觀覽，不可發刻送人。以其間可存者絕少也。余所作古文藝、尊齋鈔錄頗多，頃渠已照鈔一分，將寄余處。存稿者外，藝所未鈔之文，寥寥無幾，尤不可發刻送人。不特篇幅太少，且少壯不克努力，志亢而才不足以副之，刻出適以彰其陋耳。如有知舊勸刻余集者，婉言謝之可也。切屬切屬。

余生平略涉儒先之書，見聖賢教人修身，千言萬語，而要以不伎不求爲重。伎者嫉賢害能，妬功爭寵，所謂慮者不能修，忌者畏人修之類也。求者貪利貪名，懷土懷惠，所謂未得患得，既得患失之類也。伎不常見，每發露於名業相侔、勢位相埒之人。求不常見，每發露於貨財相接、仕進相妨之際。將欲造福，先生伎心。所謂能充無欲害人之心，而仁不可勝用也。將欲立品，先去求心。所謂人能充無穿窬之心，而義不可勝用也。伎不去，滿懷皆是荆棘，求不去，滿腔目即卑污。余於此二者，常皆克治，恨尙未能掃除淨盡。爾等欲心地乾淨，於此二者，痛下工夫。願世世子孫戒之。附作伎求詩二首錄左。

歷覽有國之興，皆由克勤克儉所致。其衰也，則反是。余生平亦願以勤學自勵，而實不能勤。故讀書無手鈔之冊，居官無可存之牘。生平亦好以儉字教人，而自問實不能儉。今署中內外服役之人，廚房日用之數，亦云奢矣。其故由於前在軍營，規模宏濶，相沿未改。近因多病，醫藥之資漫無限制，由儉入奢，易於下水，由奢返儉，難若登天。兩江交卸時，尙存有養廉銀二萬金。在余初意，不料有此。然似此放手用去，轉瞬即已立盡。爾輩以後，居家宜學陸稽山之法，每月用銀若干兩，限一成數，另封秤出。本月用畢，祇准

贏餘，不准虧欠。衙門修葺之習，不能不澈底痛改。余初帶兵之時，立志爲取軍營之錢以自肥其私。今日差幸不負始願，然亦不願子孫過於貧困，低顏求人。惟在爾輩崇德，善持其後而已。

孝友爲家庭之祥瑞，凡所稱因果報應，他事或不盡驗。獨孝友則立獲吉慶，反則立獲殃禍，無不驗者。吾早歲久官京師，於孝養之道多疏。後來展轉兵間，多獲諸弟之助，而吾毫無裨益於諸弟。余兄弟姊妹各家均有田宅之安，大抵皆沅叔扶助之力。我身沒之後，爾等事兩叔如父，事叔母如母，視堂兄弟如手足，凡事皆從省儉，獨待諸叔之家則必須從厚。待堂兄弟以德業相勸，過史相規，期於彼此有成，爲第一要義。其次則親之欲其貴，愛之欲其富，常以吉祥喜事，默爲諸昆弟禱祝，自然神人共欽。溫甫季洪兩叔之死，余內省實多慚德。澄侯沅浦兩叔漸老，余此生不審能否相見，爾輩若從孝弟二字切實講求，亦足爲我彌縫缺憾耳。

不伎詩

善莫大於恕，德莫凶於妬，二者多婦行，瑣瑣奚比數。已拙忌人能，已塞忌人遇。己若無事功，忌人得成務。己若無黨援，忌人得多助。勢位苟相敵，長逼又相惡。己無好聞望，忌人文名著。己無賢子孫，忌人後嗣裕。爭名日夜奔，爭利東西驚。但期一身榮，不惜他人污。聞災或欣幸，聞禍或悅豫。問東何以然，不自知其故。爾室神來格，高明鬼所顧。天道常好還，嫉人還自誤。幽明叢詭忌，乖氣相迴互。重者災汝身，輕亦減汝祚。我今告後生，悚然大覺悟。終身讓

人道，曾不失寸步。終身祝人善，曾不失尺步。消餘嫉妬心，普天零甘露。家家獲吉祥，我亦無恐怖。

不求詩

知足天池寬，貪得宇宙隘。豈無過人資，多欲爲患害。在約每思豐，居困常求泰。富求千乘車，貴求萬釘帶。未得求速償，既得求勿壞。芬馨比椒蘭，聲固方秦岱。求榮不知厭，志亢神愈快。歲燠有時寒，日明有時晦。時來多善緣，運去生災怪。諳福不可期，百殃紛來會。片言動招尤，舉足便有礙。戚戚抱殷憂，精爽日凋瘵。矯首望八荒，乾坤亦何大。安榮無遽欣，患難每遽熬。君看十人中，八九無依賴。人窮多過我，我窮猶可耐。而況處夷途，奚事生嗟憤。於世少所求，俯仰有餘快。侯命看終古，曾不願乎外。

日記絕筆。壬申二月初四日起筆。既不能振作精神，稍盡當爲之職分，又不能盡先朝露，同歸於盡。苟活人間，慚悚何極。

祭曾文正公文

黃翼升

嗚呼我公！百世之師。文章可聞，性道難窺。文之顯者，乃在功名。破百萬賊，復數百城。拯民水火，貽民樂利。廩有餘糧，野有滯穗。或侯而秀，曰膠與庠。菁莪在泮，蘭芷升堂。公之勳德，語焉難詳。識其大者，衆口琅琅。翼升從公戎事，伊始草履布衣，枕戈而起。公謂汝能，俾整其旅。淮揚總兵，長江開府。屢擢於朝，不十年耳。翼升何人，當斯重任。幸免貽羞，恃公成命。公在軍中，屢瀕於危。惟堅惟忍，實濟我師。公治江左，清靜無爲。一笑一顰，化神若馳。公治畿疆，有

嚴有靈。百吏奮興，頑廉懦立。帝眷三江，還公於南。引疾不可坐鎮，其堪！民覩公來，望塵而喜。祝公百年，長我孫子。豈期一疾，遽展雲旌！醫不及藥，巫不效靈。寶光燭天，微雨清塵。嗚呼哀哉！公之去來，蓋有所爲！既濟艱難，遂遭榮貴。所難堪者，宮府吏民，執紳上理。孰活斯人，矧在翼升！思同閔極，酸厄陳詞。涕沾胸臆，嗚呼哀哉！

祭曾文正文

梅啓照

嗚呼！春黯江南，星沈箕宿。音集棠槐，望摧梁木。模範猶存，儀型空闕。萬禩難追，百身莫贖。中外心傷，軍民巷哭。矧屬門牆，哀情彌篤。恭惟夫子，瀟湘秀毓，衡嶽靈鍾。匡時良弼，當代儒宗。經綸滿腹，兵甲羅胸。德崇忠孝，學擅清通。操持冰雪，氣度雲從。謙以接物，儉以傳家。履仁蹈義，存誠困邪。言坊行表，白璧無瑕。詞館翺翔，爭呼才子。文柄主持，羣稱得士。躋位卿貳，鵬鷲高舉。應詔陳言，龍顏有喜。忽觀凶杜，門黃禮髮。逆猖狂，見義而起。創立楚軍，旌旗肅穆。天子知公，大事可屬。授鐵專征，焚香收卜。乃統鷹揚，次第規復。感恩圖報，殺賊忘身。大小百戰，用兵如神。十年飲血，千里無塵。東南重奠，爲國爲民。飲至策勳，黃扉正位。稷穆侯封，世襲罔替。日月雙輝，翎纓孔翠。載進宮銜，推恩子弟。三江鎖鑰，首推寇公。一蒞再蒞，治理雍容。沛以甘雨，噓以和風。禔躬何約，艾物何豐。偉哉元老，帝倚如山。馳驅南北，宏濟時艱。鞠躬盡瘁，力竭身癯。恨無靈草，可駐仙顏。膏澤所敷，罔不追憶。召伯之棠，株株凝翠。峴山之碑，人人墮淚。方之於今，其情豈異？純臣忠愛，倦倦君王。一封遺表，慮遠謀

臧身歸泉下，心在帝旁。臬謨說命，訓詞焯焯。九重知己，一代元良。飾終令典，逾越尋常。易名晉秩，爲國寵光。有丈夫嗣，各秉義方。名登農部，譽噪膠庠。韶蟬滿座，象笏盈床。明德之後，百世其昌。惟予小子，受知最早。甘稔從游，離多會少。三載秣陵，重親道貌。方冀長依，渥遊鴻造。胡沾微疾，遽返於天。所嗟永訣，竟無一言。代陳遺疏，哀更纏綿。整些空賦，泣涕漣漣。嗚呼！霖雨淒淒，花風漠漠。淚染杜鵑，聲悲白鶴。嗟我哲人，芳型難作。敬奠椒漿，惟虔惟恪。有蔬載奉，有酒載酌。夫子有知，尙其來格！

祭曾文正文

孫衣言

嗚呼！昔子瞻之祭歐陽文忠，其詞有曰：『民有父母，國有蒼鵠。斯文有傳，學者有師。君子有所恃而不恐，小人有所憚而不爲。譬如大川喬嶽，不見其運動而功利之及於物者，不可以數計。而周知。』予嘗讀而偉之，以爲此固子瞻之知言，而自古大臣魁閣，正直非如歐陽公者，誠不足以語斯。而又疑此鉅人之特出，殆將曠百世而庶幾，不謂有我公之卓絕，及我生而得見，而又獲親炙，以追隨。嗚呼！自古望賢與夫豪傑，間出之士，其所以有爲於世者，固欲符其志之所聯，而其事之能濟與否，則常視乎所遭之幸不幸，而非人力之所能施。方公之以兵部侍郎，誓師鄉里，因湖湘之衆，用彭楊李羅之才，轉戰十年，而遂以覆狐狸之窟穴，拯東南之孤離。此其功名之不世，固歐陽所未及爲，而其文章之恢奇浩瀾，學術之廣博精微，貫古今於懷抱，羅百家而兼該。以況歐公，又謂

齊驅並駕，殊途而同歸。然歐公當明道慶歷之間，雖亦嘗困於夏竦藍元震遷謫而憂疑，而自仁宗之末造，歷英宗之首基，由臺諫登侍從，掌帝制，筦樞機，其立朝執政，固嘗歷歲移時，而史亦稱其左右兩宮，坐鎮四海，蓋白首而不衰。至其同時大臣，如杜富韓范皆志同道合，左掣而右提，而石介曾鞏蘇軾轍之徒，又相與切磨以道義，揚厲其光輝，是其才未必果盡所用，而其志可謂不謬所期。嗚呼！以公之大度偉略，深謀遠規，使其所遇之幸，若歐公當太平之無事處，密勿以論思，則其所以引吾君於恭儉，挽世俗之浮漓，收天下之豪傑，謹安危之漸微，必有以光列聖神武之烈，爲萬年探遠之貽，而乃東西奔命，與兵終始，不敢告勞，遂至盡瘁，名爲宰相而不能日與朝廷之謨議，功侔周呂而不能盡如蕭曹之指揮，挺危蹤以孤立，恃聖主之獨知，彼流俗之無識，或貌敬而心非，而淺夫之憤媚，甚至於負恩忘義，譏謫造謗，而不自知其爲齟齬而胎禍，故世之論公，以謂其皇皇若弗及，戚戚若不胜，由功高而志下，亦道尊而氣卑，而我之窺公，則固知其內視一己，實有未滿之素志。外觀斯世，尤有無窮之憂危，嗚呼！昔子瞻之從文忠遊也，有子由以與之偕，而我之得出於公門，我弟方將使指而南馳，當文宗皇帝之初元，公方請復講書之舊儀，而大臣有不然者，我弟獨密疏力爭，以爲此忠臣之志慮，鄧治之綱維，及我弟爲小人所中，我方從公於軍中，獨召語我而累欬，至於今已逾十年，我弟方有以自得於山巔水湄，而公之惓惓不已，猶欲引而置之殿墀，嗚

呼！此其道義之相契，亦何待於執几杖以追陪。矧如予之無狀，見子瞻固無能爲役，而飄搖江海，又一時所棄遺，豈謂公之推轂，屢有味其言之，雖舉世皆嫌其愚直，而公獨以爲無瞻類而依違。嗚呼！吳越瘴癘，戎方嫚欺，大東杼柚，極西鼓鼙，大任側席，重華青衣，何一老之不可，又孤生之無依，然則予之所以爲公齎咨涕洟，亦何以易子瞻之詞曰：『上爲天下撫而下以哭其私。』

祭曾文正公文

錢應溥

崑嶽降神，實生申甫，衡山巍巍，濯靈湘楚，篤生我公，兼資文武。提挈綱維，奠此土宇，若士農工，爰及商賈，以引以翼，無不得所。海涵工深，恩洋德溥，騎箕忽逝，遐哉千古，惟公一身，伊呂舉夔，三代而下，孰與等夷，溯自通藉，洎贊綸扉，垂四十年，衆望咸歸，手定大難，身繫安危，奇功偉烈，樹之豐碑，摹繪日月，莫贊一詞，小子不敏，請言其私。庚戌之歲，挾策上都，大賢門下，幸獲步趨，詔我經術，折衷漢儒，勗我言行，軌範程朱，自是過從，無間晨夕，邵袁寵契，晤書成癖，容我參語，謬附提籍，期我遠到，金門射策，羊公舞鶴，麤麤鍛鍊，三載春明，恐駭駒隙，公歸梓里，烽火連驛，義聲所樹，無避金革，我時簪毫，樞垣奉職，屢讀公疏，雄詞翥關軍，事成敗驚心，盪魄百折，不回躬，自貶責，悵望衡雲，神馳形隔，曾幾何時，春秋卜易，曰惟庚申，吳越糜爛，軍書旁午，鄉音中斷，請急南歸，奉親避亂，辛苦賊中，生死參半，涉海溯江，戢影私館，自分此生，草間遁竄，忽奉公書，招赴戎幕，命司章奏，欣然有託，娛侍高堂，天倫至樂，洵溯京華

依然如昨。先子結學，校書萬卷。公素神交，而未識面。比來皖江，歛然相見。躬造敝廬，傾談不倦。材官走卒，亦疑亦羨。及我居憂，生劉來奠。溫語拊循，深情繾綣。至今思之，淚下如霰。上元甲子，大功告成。相從東下，卜居江城。追維瞻昔，始慶更生。將挽銀河，洗此甲兵。猶有餘釐，鱗縱橫。皇帝曰咨，命汝北征。席不暇煖，奉詔即行。我乃隨侍水驛，山程亦云負篋。匪曰請纓，由除達淮。是類是師，舟師十萬，星言速駕。巨浸稽天，洪流怒瀉。時維朱夏，雷騰龍下。森風忽起，黃河激射。觸鱗傾危，萬衆色訝。急視公舟，公猶整暇。共歎艱難，能以誠化。公曰不然，是殆天假。舍舟而陸，移師周口。惟此要區，擇險而守。賊衆如蟻，環堞左右。公夜讀書，聲壓刁斗。萬柝嗒聲，惡風退走。琴書御敵，斯真新觀。帝眷南服，資公坐鎮。治軍治民，同一忠奮。我違晨昏，二年缺訊。歸諗母氏，新霜添鬢。惟公錫類，伏公誠信。遠游過歸，曾無悔吝。幾輔重任，非公莫屬。建節量移，北門鎖鑰。我戀庭闈，欲行又止。公體人情，坐語移晷。祖道濟然，味苦彈微。身滯江南，天末延企。手札時來，捧讀竊喜。自公之去，民望若霖。祝公之來，公果重臨。敝聲雷動，萬口一心。大裘庇遠，冬日愛深。謂可永戴，有如高岑。何圖一載，陰蹙雲霄。樞鈴忙掩，珠斗光銷。悲雨泣畫，長虹燭香。街衢聚哭，薦芷焚椒。天胡此醉，福不爲徵。憶出公門，歲星兩周。親侍几杖，寸載勾留。涓埃徒矢，高厚莫酬。數公寮幕，將相輩出。曾不數年，蜚英騰實。嗟我鴛下，半生策筆。顧從公久，情誼專一。正論微言，窺公愼密。談諧談笑，樂公率直。疏稿滿篋，點竄塗乙。一

曾文正公榮哀錄 卷一

字推敲，墨無旁溢。忍淚檢尋，音容髮鬢。公手扶雲，公心捧日。天鑿忠誠，新官久待。千秋萬禩，是主是宰。一瓣新香，告升鼎鼎。雲馬風車，神兮斯在。

祭曾文正文

陳艾

嗚呼！功被南服，績紀太史。德洽數省，決人肌髓。走卒婦孺，感恩沒齒。能言之流，掛漏無似。艾以迂拙，銜恩知己。自速梗概，敢辭奔鄙。因遭時亂，避地祁門。敝衣蹠蹠，就食誠垣。先達說士，謁公行轅。草茅真率，寥寥數言。公喜我朴，大笑髻掀。時有專局，表章忠魂。俾我尸之，紀述紛蕃。分月廉泉，使市雞豚。上奉老母，下逮兒孫。饑者告飽，寒者告溫。籌筆偶暇，經史討論。教誨懇至，引入籬藩。警從峻阪，下就平原。公名善誘，忘我庸昏。艾也不才，無干時志。公謂此人，泊然名利。惜其少慧，或爲質累。置之膏腴，不飽不醉。置之繁劇，不苛不媮。果以狂愚，孤行己意。公鑒其誠，屢易善地。公善任使，艾實非器。我之疏直，宜老江湖。屢摩薦牘，縮竹使符。自顧未信，勿敢濫竽。公昔入覲，并辭樵蘇。乃蒙加禮，遂其哺鳴。公名知人，忘我之愚。兒子巽懦，未露頭角。公謂美質，資之使學。老師傾彥，俾從商榷。金入于匱，玉加以琢。綆短汲長，負公先覺。公名無私，私其朴懇。畢室銜恤，敢忘其朔。嗚呼哀哉！我一書生，惟事丹鉛。執章服之，守牧比肩。孰飲食之，有粥有饘。孰啓迪之，服膺儒先。慈母兄弟，免於顛連。渥荷恩禮，十有三年。我雖愚魯，敢忘膺拳。報德無日，攬鏡華顛。寢門一痛，公鑒其虔！



祭曾文正文

忠義局

天眷聖清，日月重光。星精垂曜，降於南湘。邇乎不明，卓上紫宮。風搏九萬，仰畏躬躬。儉德服土，權盛不饒。并絡之郊，湖漢之泄。西玉南金，作貢天子。銘凡箴展，聖人有喜。俚佐亂民，盜兵潢池。騎帥縱之，匪怒而嬰。公襲帝命，爲簡之師。退蒐衡陽，乃覲驪鯉。止則鉅防，逝則奔馬。風靈滿空，胸其來下。左睨洪都，右拂江夏。使賊肝高懸焉。九野士氣如劍，或浮或沈。公爲歐冶，契合于深。會有天機，拔植高吟。窅然位分，見者傾心。迹始洞庭，喋血彭蠡。欽承大符，斧賊髓髓。益陽缺之，合肥沃之。賊有心肝，介弟創之。梟巢獍穴，燔之。賸之。瓊兮遺黎，甘雨霽之。帝旌偉烈，誓河苴茅。公開東閣，吐握英豪。鱗介在遠，懼不敢媿。德量所涵，島嶼畢包。網繆百里，定奠田植。神有秩祀，饜有穀食。泮宮用羽，澤宮較射。國彛甄錄，書林畫式。萬井皞皞，相忘帝力。大福不終，鞠囚吾人。春相同輟，銜恤舊恩。聲皆徹天，淚皆徹泉。仰瞻箕尾，四顧怒焉。中國有葵，豈止其身？

祭曾文正文

書局

嗚呼！公之生也，天固將以大任責公。當其立朝而侃侃，人已欽其不苟異而苟同。及粵事之起，毅然舉義旗，疑謗交集，而自矢其孤忠。創水師以勦賊，沿大江而遠東。歷百戰以至皖，屢瀕危險。而賊亦潛避其鋒，惟其推心以置腹，故自僚屬將帥莫不踴躍而樂從。於是知師干之總，非公莫屬。此所以盪平吳越而卒收其功。嗚呼！公雖有兼人之資，稟固已疲於戎行十載矣。况又盤根錯節，

無一日之息，而往來奔命於南北之衝。以江南之艱鉅，當大創之後，維持補救，豈敢安坐鎮而自比於襄備。此其未臻於上壽也。蓋鞠躬盡瘁，而不由於六氣之沴，二豎之攻。嗚呼！公之器識度量，遠超乎世見之外，故其和氣謙德，實能自忘其功業之盛，與爵位之崇。其於文章學問，洞悉本原，每自視欲然，與人爲善，而亦不炫於門戶之詞。其接物也，摩義漸仁，而使之自化。其垂訓於後嗣也，諄諄乎惟義利之辨，伎求之戒，而孝弟之是宗。此不特古來將帥所未有，卽古來名臣大儒亦少及從容。固宜邀殊常之曠典，而特證於九重。嗚呼！黃流洶洶，西冠猶訐。陸有蛇龍，莽有伏戎。假我數年，庶諸患息，而元氣漸充。乃一朝而長逝，使天下感喟於無窮。嗚呼！公何往乎？彼野哭而仰睇者，徒見光燄之燭空，其騎箕尾而上升乎？將臨照乎斗牛之分，全吳士庶，永託於幘幘。

祭曾文正文

李傳獻

嗚呼！我公之生，六十有二年。心憂勤而匪懈，法天德之乾乾。學惟日其不足，力以久而彌堅。宜百年之逢吉，何乃蒼生之遺捐。嗚呼！公之道德，孔孟之亞，公之經緯，望散並駕。公之憂樂，後先天下。公之文學，四科游夏。公之心志精神，則消磨於戎馬。當夫義旗初建，公誓不還，開誠布公，延攬英雄。天下已定，自視欲然。彌綸宇宙，公何加焉？及至元老北覲，大戎內返。公曰：和戎實維全局，籌謀在握，眾口交非。公之精誠偉抱，不以物論移。然天下識與不識，至今無不服公之心，而畏公之威。嗚呼！我公天子是保，風雨飄搖，賴

茲元老桃李滿門，公是師表。羣疑衆難，待公而歸。譬猶日月經天，而邪枉無不照；又如華嶽鎮地，持重而天下不撓。維公之主，崧嶽降神。及公之歿，天地晦冥。黃童白叟，嗟予誰父。天子曰咨，奪我良輔。聖哲間先，公啓厥後。有公則華，無公則陋。豈天不欲平治天下，何令我公之不壽？不肖待公，歷年二紀。宦游京洛，伊誰知己？非受教於門牆，將抑鬱而誰語？胡千里以尋師，乃匍匐而哭吾夫子。吾不爲一身而悲，恐天下之患當從此始。

祭曾文正公文

張裕釗

嗚呼！吹自炎劉，芒芒百代。光岳之精，銷鑠散壞。聖往校今，百靡一逮。妣如子，婉，邈乎霄再。孰謂並世，歎還我公。謝絕羣倫，奮起湘中。遂度千載，蹈古比隆。惟公懋學，三代與期。六經百家，窮源汎源。導達漢宋，審決途靈。於天地人，靡奧不窺。炳爲文章，選雄諸唯。惟公經務，洞見治機。曰惟五禮，哲王之遺。及兵與食，國之大謀。古稱而今，施而宜。千聖之心，仰而思之。公之得人，爲天下憂。文武鉅公，靡孱靡靡。戢寇大羣，耆彥曾曾。勞逮羣碎，豈足優者。若金鏡，鑲容於一治。公之亂，亂再造九區。忠誠饋饋，雲龍升扶。手提萬衆，摧盪凶渠。南掩揚越，北盡汝水。西指崑崙，東至於海。六寓盡開。天地清泚，毛泐孺媿。絕蘇冠起，凡公樹立。橫被八垠，極千萬億。橫目之民，怙公若父。嚴公若神。豈謂我公，踴若浮雲。獨居深曠，莫眇其津。衆之所駭，公之所貽。公跼莫至，夢泉想變。疊疊其邁，戰戰其危。贊元消滄，潛運密移。天眷聖清，庶其予回。孰謂我功，我其敢知。孰

謂我罪，我其敢辭。公平卓越，寬其在斯。微烈之多，乃公種世人之不諒。云公透迤，呼嗟近古。矚則躋茲，如何奄忽。天實凶亟，九重震掉。萬姓雨泣，矧我小子，靡所比似。薄陋拙滯，世之所棄。辱荷公知，區區文字，譬海納川。我乃涓澣，暇日請謁。公歷色喜，許權古今。往往移晷，嘉我誨我。我駭我砥，翼我譙我。界我無已。我屬別公，昔冬之季。孰云幾日，遂隔萬世。天下一痛，一身之悲。哀求無端，涕實如糜。公平有知，其稔予悲。嗚呼哀哉！

祭曾文正公文

趙烈文

月之二十日，驚聞吾師薨逝之信，五內摧裂，頃刻迷悶。傷哉奈何！自庚午冬，富莊驛送師南行，見師神氣衰颯，心營憂慮，恐不得復侍顏色。是以頻年感憤，南望長息。思欲奮飛而返，嗚呼！今幾何時，乃竟有此酷痛傷哉！傷哉！吾師今年六十有二，歲壽未期。盡生平稟賦之強，盡以用之國家民生。在師功超德邁，灑然遺世。豈復有憾，顧世事未甯，隱憂方大。朝廷奈何，子遺奈何。聞正終之頃，吉祥善逝。安坐含笑，初無疾苦。吾師天人，完歸爲樂。獨不念嗚呼，舉首之億兆，鵠結待望之寒峻，失所依歸。溝壑跬步，耶天不憖遺。胡寧太忍，傷哉奈何！烈江東一饒，淺蒙鄙人之於師門，無一線之繫。援自匹夫致之方州，兄弟甥姪並受蒙養，援拯之恩，逾於天親。十年以來，言笑忘分。步名理則獎以治心，語應世則教之實踐。閨門常行許其敦睦，治理薄效，謂爲多才。下至小文曲藝，無不出入輔頰，勅掖不置。嗚呼！烈所蒙被於師，豈一息未盡所得忘也！古人

心喪三年，獨居築室。而門生之於舉主，往往棄官奔走千里行哭。烈生千載之下，形格勢禁，此志不可復遂。然心神散失，官骸塊然。嗟乎！縱能安存，亦墟莽之朴而已。尚何言哉！尚何言哉！靈旛在天，無遠弗屆。既伸哭寢之禮，輒寫哀悵達之凡筵，師其鑒之！謹告。

病中哭文正師得三十韻

吳坤修

一春噩夢多，奇險吁可怪。抑鬱困五衷，事恐關成敗。果於二月初，我師薨於位。倉皇駕輪舟，撫棺盡哀思。回憶王子冬，長沙甫隨時。忠節與壯治，軍本初試掃。卻桂東塵，一軍分作二。忠節援西江，壯武留重寄。我效哭秦庭，如粵乞芻糲。重九返衡陽，下游賊無熾。草草起異軍，岳陽敗塗地。慘淡圖振興，持籌事不易。破竹下武昌，差覺強人意。豈期到潯陽，兵機又復滯。舟師陷蠡湖，岌岌如麗棄。我速赴經營，隻身策單騎。就餉灌嬰城，師亦來駐轡。茫茫一旅師，百折幸不墜。四塞盡陰靈，不獲通一字。我分武昌軍，立意擣臨瑞。與師歷艱辛，性命聯指臂。從此下江南，羣賢日紛萃。名王報生擒，爵賞次第議。媿我分寸勞，亦忝行省使。聞師撒手時，光明遍世界。東南底定功，明詔予特鑄。勳可史館書，像可凌煙畫。費盡一生心，獨完千古事。皖省崇新祠，願師顯靈異。雲中甲馬來，椒醑飲一醉。若報知己恩，終身奉血淚。若念訓誥言，隨時肅膜拜。

送文正師柩南歸泣賦

吳坤修

人生重氣誼，遑問生與俱。拔擢衣冠族，照耀輿臺軀。此藉朝廷恩，乃娛勢利徒。若遇有志士，掩口先胡盧。所重在心許，可恥是

面諛。一言如入骨，百折任嚼膚。我憶廿年前，無端學奔趨。一登湘鄉門，從此無歧途。勉我繼南塘，或與崇庵俱。萬人紛如海，獨覺禮數殊。時忽遭羣吠，暗暗相提扶。卒令風波平，不為斧錢誅。手書一在，責為君子儒。浮名不輕加，使人無詆誣。嘗舉鵬鳩詩，書紳作良模。即此師弟情，金石不能逾。一旦棄我去，藐焉等諸獮。瓣香亭一角，遺像飄長鬚。我援心喪誼，晨夕慘號呼。本欲扶靈車，遠送渡重湖。一官如繫匏，進退難自圖。況值焦爛後，神衰貌亦矬。今觀雲旗颺，江風嘯檣鳥。一生知己恩，著想實繫寸心。隨所往，化作鸞飛。過倚古城南，往迹尋一隅。辛苦不可說，吾師慘也無。

文正師祠堂落成紀事

吳坤修

皇帝御極初，辛酉八月朔。鑿合與珠聯，祥瑞皆駢集。惟時老湘軍，圍院加嚴急。即於是日曙，城克賊就捉。火速露布聞，兵威誠卓卓。次第平東南，厥機在此著。今聞我師薨，萬姓咸感泣。請以古雙蓮，立廟祀褒鄂。救民水火恩，權作啣環雀。我請達帝廷，輿情未可卻。豈期甫定基，腦毒便繼作。每於呻吟中，指畫嚴匠約。神工鬼斧併，頃刻起樓閣。師恩入人深，眾工願踴躍。按限告成功，非嚴復式廓。製曲將迎神，一一合禮樂。師曾駐行臺，高樓樹一角。早晚坐其中，憑眺江與嶽。靈旗指日來，此舉必然諾。鬢髮動如生，清酒歌一爵。作詩告後來，有為亦咸若。

哭太傅曾文正公師

李元度

一夕大星落，光芒薄海濤。九重悲上相，萬里失長城。傳說騎

箕尾，龍圖富甲兵。宗臣應祔祿，天語極哀榮。嶽嶽擎天柱，南衡鎮上游。靈鍾肅相國，地接蔣恭侯。名世無雙略，儒臣第一流。早聞議大札，讜論已千秋。五管紛蛇豕，黃巾匝地橫。直隸萌藩鎮，輟蹕石頭城。宿將皆迴席，詞臣獨請纓。書生萬人敵，終作李西平。墨絳登壇日，江心戰血紅。孤軍奔屢北，百折水仍東。妖霧迷銅渚，戈船燼石鐘。蒼黃授遺疏，裹革誓完忠。自駐章門節，重收劫後棋。代肩當局任，誰餉客軍飢。百戰推岷虎，長江創水犀。匡廬峯萬丈，應續紀功碑。血戰規江左，功成背水餘。出師諸葛表，奉捷令公書。將相盈門下，羌夷問起居。弟昆問錫上，褒鄂比何如。壁立門千仞，臣心水共澄。二難頒鐵卷，三度鎖金陵。薄海未蘇息，餘波猶沸騰。知公憂國淚，泉路尚沾膺。白髮門生在，荒江作幸民。平生數知己，當代一元臣。諧謔饒天趣，文章聳替人。傷心博陽第，無復吐車茵。記入元戎幕，吳西又皖東。追隨憂患日，生死笑談中。末路時多故，前期我負公。雷霆與雨露，一例是春風。慈母雖投杼，還邀解網仁。鳥瞻容返哺，驂賸閱勞薪。公治云非罪，曾參未殺人。至今披疏稿，汗背泣沾巾。一別十三載，相思欲斷腸。偶蒙作元宴，猶似訟陳湯。有約遊吳會，無緣拜後堂。惟因效端木，築室獨居場。昭代五文正，惟公踞斗魁。孤忠能活國，天性最憐才。青史無遺議，蒼生競述哀。程門今已矣，立雪再生來。

補輓曾文正公詩

張文虎

公薨五經月，痛定益哀思。天簡三朝輔，風清百世師。純忠無

曾文正公榮哀錄 卷一

矯節，實惠善因時。正有蒼茫感，人間未盡知。千秋論名世，未必古今同。遇勝李忠定，才餘韓魏公。及門多柱石，援萃到蒼蓬。驅策無凡馬，知應冀北空。世人矜一得，方寸已張皇。學問融虛抱，勳名人坐忘。海波寬並育，秋月靜無芒。心法伎求戒，能遵道自臧。十載江南北，侯門久濫竽。多聞稱實過，寡欲許幾儒。目斷睇丹旌，情深紫白駒。湖山遺像在，和氣見眉鬚。

輓曾文正公詩

許時雨

天教元老備衰榮，一夕台星殞石城。報國此身無缺陷，留公寰宇合澄清。人懷君實多私誅，帝比希文受大名。事業蓋棺方論定，熙朝信史有真評。唐宋中興事本殊，時艱端賴重臣扶。但教捷伐殲羣醜，依舊車書拱帝都。諸將有才歸夾袋，先皇獨斷豈軍符。功成酒淚何人覺，一片孤忠念廟謨。擎天柱石鎮江南，堅定終能大亂戢。萬姓搶夷恩再造，十年休養節持三。郊衢尸祝銘遺愛，七女香花播美談。盛世酬庸崇祀典，鄉賢舊澤合能龕。即談小藝亦超倫，小隊頻過防部民。蘭王清芬同北面，煙霞沈痾泰西賓。盛稱勳德非私誼，悵望乾坤少替人。我率孤寒八百士，生芻莫罷一沾巾。

輓曾文正公詩

戴望

陽和變秋氣，衆木失雲陰。毒霧朝含日，流芒夜值心。千秋喪遺愛，四野聽悲吟。不有明公出，東南久陸沈。十載蚩尤亂，天教力戰平。勳猷垂故府，感痛有儒生。多士忘矜式，中朝思典聖。更憐三

百戶，婦孺涕交際。南嶽天開運，如公首降祥。盛名況新建，清節擬粉陽。豈特中興冠，遠為昭代光。郁哉文字富，道味溢篇章。古稱三不朽，公舉足當之。欲寫長河派，為題誦德碑。九原誰可作，一藝愧相知。繡帳空堂上，論文憶昨時。

轍會文正公詩

劉壽曾

賤子戊戌生，公時登玉堂。東髮慕名賢，識公姓氏香。側聞躋侍從，嘉謨謝先皇。沃心丹宸，窺復有議禮。章流傳到家，擊展誦聲琅琅。大道無端倪，童稚味測量。先君有華詞，辟咻疇能忘。公如在塵歷，韓范富歐陽。癸丑丁喪亂，煙塵浩縱橫。長江失天塹，東淮如沸羹。聞公提義師，開關起衡湘。又讀討賊檄，其言慨且慷。想公大人姿，冠世真豪英。睿淵乏梯接，景行不得望。幾年避黃巾，故園池館荒。先君抱漆經，煙水湖東盤。樵蘇資客授，往依郭淮揚。淮揚甘說士，尺書遠寄將。公方勤師旅，禮辟有未遑。祇氣繡院中，淮揚轉戰亡。先君為字孤，質靡東海旁。曾辭益陽招，公歎風誼長。辛酉克舒州，越歲書促行。公時開東閣，延攬倒屣裝。賓席禮先君，清宴華燈張。賞析到經術，師派談吾鄉。謂承文達緒，驂靳江焦汪。九流辨涇渭，四庫森戈鉞。貞固執純德，人物如西京。贊誦徧寮案，雅度何航航。或乃造寓廬，深語移三商。公矚立躊躇，驚羨到騎兵。爾時樓船軍，江漢歌酒洗介弟。金陵師，連捷雨花崗。功名溯艱虞，志晦用益明。草昧開經綸，文字芽初萌。乃議闢儒館，魁頤來鏘鏘。雙髻外史書，抗迹顧與黃。敦仁兼復禮，公學能頡頏。頑軀軼汗牛，沈瀝二

百霜。校理屬先君，異同參茫茫。敍錄刊謬書，落簡無更吏。尚論為紀年，志事昭貞剛。燈火精廬中，纂述鉛槧忙。三元際甲子，吳會消機槍。旋收金臥城，威弧殲天狼。戡定撫洪爐，再親民物康。實佐皆從公，東下治征裝。投戈乃修文，冬試開舉場。賤子海濱來，載策意激昂。趨庭待先君，謁公驟騎航。行卷進業漿，擬藉超恆常。更及制舉文，謂可抉榆枌。頗譽鳳條勁，深盼驥足驤。風雪揭榜夕，樺燭瑣院光。岳牧咸在列，椽吏如堵牆。唱名及賤子，名副鄉貢行。公聞有喜色，嗟惜不暇詳。贊此愛士忱，驚坐眾目瞠。乖翻夫何言，結感迴中腸。明年公北征，合肥攝封疆。置局刊經書，續錄甄國彙。旬當開先君，禮遇與公衡。乃卜金陵居，巷宅鄰青楊。賤子思諸纓，從公涉徐方。咨戀庭闈深，羣季益望兄。報知竟無由，此意今猶悵。湘陰郭中丞，薦賢佐政綱。特奏先君名，教士宜上庠。中丞乏雅故，采譽因公彰。推刺不已出，涓識孰與印。內寅公還治，惡化蘇疲疔。再謁被溫言，嗟公髻髮蒼。德業重焉勉，望繼公治長。會刊班范史，先君仍助勸。咨詢及政典，士裔兼淮防。石城重寓公，舉似通德閣。承歡被儒服，環堵羅酒漿。河瀾及九里，公德難縹抗。昊天嗟不弔，鮮民罹禍殃。痛憶丁卯秋，先君疾臥床。求養荷公賜，終難起膏肓。計達公恒驚，臨弔淚沓眶。撫視草土中，垂慈憫瘠疴。博緣俾成禮，窆安北邙。仍籌生計艱，儒館職許饒。月分都府錢，饋貧資春糧。公曰汝家督，弟弱賴汝匡。好慰母氏心，門庭肅蒸營。大業期不墜，家學宜續廣。勤廉二字箴，植躬在自強。館中英彥萃，善績先德芳。講習有

所資追琢成瑤瑛。此風高古人，誦義遍列卿。堯堯彥昇兒，不嗟葛  
帳涼。子子叔敖子，庶免負薪傷。讎書承先業，鑿樞珍線細。禮經考  
姬周，選舉探蕭梁。下逮肇城書，未云祛翳障。公顧譽精善，掃葉見  
術筵。別坐侍燕閒，訓詞周勉章。說經明緒言，講授示梯航。朝踐駭  
鄭元，狀物稽毛萇。轉注親新義，段桂走且僵。筆札手降頓，師資裁  
簡狂。己已奉詔書，保釐觀嚴廊。攀轅遍江左，祖道紛進觴。贈行製  
序文，公謂華實相薄劣。何足珍，左獎公意誠。殷勤語後政，勿翳召  
仙棠。袞衣思鴻落，西北浮雲翔。奏記訊起居，答教來郵壺。注意何  
稠疊，在遠念菰蔣。祝公或再來，南紀民斯慶。天鑿字衆志，三莖歲  
在庚。塗歌而衢舞，羣頌聖德滂。謫公意尤殷，爲言視茫茫。恩命懷  
坐鎮，抑畏懼莫當。問訊所校書，遺集徵思王。南朝延壽史，探討業  
未央。瑣細及家事，蠅眉憐播藏。永言掉先君，年前值禮祥。再拜乞  
佳傳，仗公鴻筆敷。公許政暇爲，信諾無時愆。更及左氏疏，祖庭學  
未昌。公頗望續成，擷芬紅豆莊。念此孤露餘，材不中椅案。六載實  
依公，陪危獲支撐。仲叔皆畢培，李也亦雋夔。家門荷再造，出谷天  
衢亨。方期翬翼永，葵藿傾午暘。何圖大星隕，平陽來下迎。奔問哭  
庭門，雪涕紛浪浪。公乎騎箕去，聽奠神傷傷。崑靈志佐虞，李郭功  
興唐。公名在史纂，成言著作郎。無待賤子陳，蚘竅師鸞鳳。報德今  
無階，禮有府主喪。陳詩實以哀，輟輪心務復。公靈其鑒諸，叫雲排  
天閭。

輓曾文正書聯（原錄未全擬侯補刻先後次序即依鈔本）

曾文正公榮哀錄 卷一

二十年患難相從，深知備極勤勞，允矣中興元老，  
五百里倉皇奔命，不獲親承色笑，傷哉垂暮門生。

受業吳坤修。

武鄉可擬，汾陽可擬，姚江亦可擬，瀟湘衡嶽間，氣獨鍾四十  
年，中外傾心如此，完人空想像。

相業無雙，將略無雙，經術又無雙，蔣阜秦淮，大星忽隕，廿六  
載門牆回首，代陳遺疏劇悲哀。

受業梅啓照。

貳室共趨庭，慈顏雨霽，雅訓冰清，記席前無限提撕，彷彿春  
風沂水。

弱齡窮陟岵，元老勳高，國殤骨冷，倘泉下有緣晤語，悽涼明  
月江天。

甥陳遠。

末職荷栽培，北斗高山，方欣大廈瞻依，服教久欽文路國，  
鞠躬真況瘁，南天星隕，遽失中流砥柱，傷心如喪武鄉侯。

浙江知縣王厚堂，通判陶寶善。

生民擬山海，鳳麟應五百年名世，歷廿四考中書，正學懋躬  
行，帝賴其勳高柱石。

羽運際風雲，龍虎通天地人爲儒，立德言功不朽，救時安宇  
內，公誠無愧補金湯。

江蘇記名道江清驥。

衡嶽雲興，大澤及天下。  
上台星隕遺愛遍江南。

受業章壽麟。

修謁甫歸來，憶精神步履，矍鑠如前；何期變出須臾，半壁東南驚柱折！

考終緣福備，況道德勳名，昭垂不朽，獨念恩承高厚，廿年依倚痛山顛。

廣西候補道程桓生。

一個臣，休休有容，頻年變理餘閒，小隊出郊，炯慣向山中招魏野。

萬戶侯，綿綿勿替，當代元勳佐命，大名垂宇宙，豈徒江左誦夷吾。

部民薛時雨。

將相臬師儒，武緯丈經，真見大名垂宇宙。  
治平出修省，先憂後樂，豈惟遺愛在東南？

章一心復，瑞垣，瑞鈞，兆起。

矢志奮天戈，憶昔旅雁傳書，道精衛填海，愚公移山，竟歷盡水火龍蛇，成就千秋人物。

省身留日記，讀到獲麟絕筆，將汗馬勳名，問牛相業，都看作批糠糜垢，開拓萬古心胸。

中湘歐陽兆熊。

平生風誼兼師友，  
萬古雲霄一羽毛。

歐陽兆熊。

一灑淚，  
邁蕭曹郭李范韓而上，大勳尤在薦賢，宏獎如公，悵望乾坤

窺道德文章經海之全，私淑亦兼親炙，迂疎似我，追隨南北感知音。

小門生薛福成。

相業贊中興，海宇澄清，賴矢精勤廿一載。  
師謨垂後進，廉勤砥礪，敢忘遺訓十三年。

知府劉景堯。

偉略佐中興，元老壯猷無與匹；  
高文留信史，人倫師表定推公。

晚生歐陽第。

勳塞寶區，神歸河嶽；  
天奪元老，世失人師。

江蘇知府府桂中行。  
舊雨相親，歎卅年琴韻書聲，頓成往迹。  
大星忽殞，合四海通才碩學，共哭元勳。

天祖有神靈，生公特挽中興局；  
內弟歐陽秉鈞。

乾坤試環顧，濟世難爲繼起人。

江蘇知府張兆鹿。

有事君之小心，經天緯地，一代殊勳垂國史。  
惟夫子能先覺，周情孔思，千秋絕業在遺文。

受業劉翰清。

國？

功在社稷，澤在生民，盡瘁歷三朝，四海蒙休，豈獨棠陰遍南  
歡其娛樂，恤其陵夷，致交延兩世，十年飽德，從今葛帳泣西

華。

門下晚生周世激。

地復荆揚，喜頻年物阜民康，到處有賈祠樂社。  
門多將相，悲此日樑傾柱折，何由仰北斗東山。

門生黃翼升。

潮流日夜；

舉世託安危，生而爲英，死而爲靈，痛此時白馬素車，滾滾江  
大儒作將相，先天下憂，後天下樂，看到處黃蕉丹荔，紛紛俎

豆薦春秋。

江蘇按察使司應寶時。

天挺人豪，經文緯武；  
道隨運往，生榮死哀。

員外郎曹耀湘。

曾文正公榮哀錄 卷一

侍坐二十年，教砥行，教立名，真氣貫兩間，勳業文章稱不朽，  
抱病五六日，猶讀書，猶治事，大星隕一夕，民生士類痛何依。

前湖北布政使厲雲官。

光斂台斗。

秉鉞佐中興，方功高畫日，名冠凌煙，從教旌席斯民，忽見神

斷泣春風。

幕士孫方與張燮昭。

手挽乾維，萬里梯航瞻上相；  
身騎箕尾，九重都嘒失純臣。

郭用孚。

化成立道，緩動哀榮，在官在民，在鄉黨朝廷，此日同聲一哭。  
學宗誠正，修齊平治，爲儒爲師，爲元勳佐命，於公獨有千秋。

候補 蔡德輝，史易琛，車運升，李逢源，康獻廷，藍采錦。

三朝歎歷，百戰勳威，幾經盤錯艱危，搦成聖代中興業，  
九廟旂常，千秋帶礪重，以文章道誼，早立純儒死世名。

記名提督譚碧理。

中興將相出其門，合武鄉汾陽之功，併爲一手。  
半壁東南失所恃，問王導謝安而後，幾見斯人。

鄉晚生周開揚。

昭代完人處爲大儒，出爲元老；



中興佐命，功在天下，澤在江南。

許長怡

偉業冠古今，滿而不溢，高而不危，統求國計民生，先憂後樂，薦賢徧天下，功則歸人，過則歸己，若論感恩被澤，異口同悲。

朝北提督郭松林

公今與皋夔望散同遊，從古元勳齊俯首，我正溯江漢沱潛而上，每經遺壘輒傷心。

夔州知府嗣德模

衡嶽雲開天柱峻，大江星隕石城寒。

兩淮運使方濬頤

一貫衍心傳，是燭鍾衡嶽英靈，湘波間氣，千秋昭定論，端不讓曾皇宏業，新建奇勳。

年晚生錢振倫

憂樂在心頭，足挽希文事業，勳名垂宇宙，並傳丞相祠堂。

長江船務委員李泰源

五百年名世挺生，立德立功立言，鐘鼎旂常銘不朽，數十載闔門啣感，教忠教義教戰，江淮河漢淚同深。

三品卿銜老湘軍統領劉錦棠

德冠鄉邦，衡山並茂。

澤流天壤，湘水同長。

同鄉木商張雲理

位冠百僚，而勞謙自牧，威加四海，而盛德若愚，不震不隱，隱凡獨居勳業外。

年垂大耋，而神觀勿衰，病至彌留，而執掌靡息，如臨如履，易

簣猶在戰兢中。

受業李鴻裔

江左失元臣，沐德懷仁，同向甘棠揮雨澤，齊東悲往事，嘯枯吹朽，難將寸草報春暉。

安徽壽春鎮郭寶昌

天上大星沈，氣壯山河，身騎箕尾，人間紛雨泣，功在社稷，澤被生民。

前山西布政司劉秉璋

一身繫天下安危，夷微邊氛，未了暮年心事，四海得英才教育，勳名德望，永為後世儀型。

門下士潘鼎新

寵眷備優隆，擢將相，責殊恩，科名爵祿不為榮，所願在丹旻，陳謨，蒼生造福。

鈞衡資幹濟，作神仙，歸大暮，中外人民皆失色，詎惟是梓鄉飲泣，槐府吞聲。

知府李寶森

不用口碑頌遺愛，  
實爲朝廷生異人。

鄉世姪魏書。

獨居深念事。

人問論勳業，但謂如周召虎，唐郭子儀，豈如志在皋夔，別有天下誦文章，殆不愧韓退之，歐陽永叔，卻恨老來滯軾，更無便坐雅談時。

門人孫衣言。

先帝知人，早屬東南大事，  
儒臣奮武，固應俎豆千秋。

熊其光。

從誠意積，  
三代下無此完人，道德、勳名、學問、文章、運世具全，神、立、體、祇。

一雲間喪茲元老，朝野中外，僚屬士庶，呼天齊痛哭，傷心豈爲感恩深。

糧道王大經。

韓歐無武，郭李無文，集數子所長，動華巍煥，  
衡嶽之高，洞庭之大，歎哲人其萎，雲水蒼茫。

岳州鎮彭昌禧。

一旅獨勤王，誓此身蕩平江湖，勳業終能酬志節，  
片言曾論帥，記當日流連詩酒，笑談早已識英雄。

雷雨奮經綸，局啓東征，萬里金湯資鞏固，  
勳名昭日月，神歸南岳，九重青瑣薦馨香。  
候選郎中許星寰。

今後儀型，吾將安仰？  
生前功德，民不能忘。

受業陳守和。

拔奇夷難，邁德振民，史傳千秋無愧色，  
僣革辭軒，銷金罷刃，輔星一夕忽韜光。

晚生郭柏蔭。

隻手挽乾坤，至今日生榮死哀，公真無恨，  
勳名震中外，顧此後際，艱肩鉅，帝曰何人？

受業李翰章。

當代一人，是濟國丰儀，汾陽福澤，  
大名千古，有泉變事業，韓柳文章。

知府范志熙。

立志邁千秋，何必論文魏韓歐，武超郭李，  
感恩逾廿載，最難忘揚帆入滬，持節導淮。

受業陳慶長。

秋史册。  
衡嶽紀鍾英，忠勤智勇，發於性天，我公力挽乾坤，勳業煥千

古雲霄。江南遍遺愛，寬厚和平，獨持政體，此日哀填衢市，真靈仰萬

涼州鎮周盛波  
右江

相業匡時，武功定亂，經術名家；上下千古，軼後超前，我公不

九重震悼，百姓悲思，三軍涕泣；東南半壁，感恩懷德，吾皖尤

深。 朽。

安徽官民

福邁武鄉侯，盡瘁鞠躬，百戰卒成中興業；壽輪郭尚父，內憂外患，九原猶繫老臣心。

晚生英翰

合志於皋夔，方召之儔，僉稱翼勵時雍，允無慚德；受知在榮利，勳名而外，惟有修能自惕，用答深恩。

受業方駿謨

士傾廣廈，民失慈航，天胡不用！勳震華夷，名垂宇宙，公實長存。

門下士李善蘭

丈能拊衆，武能樹威，將相規模，往古備；惟思盡忠，退思補過，聖賢學問，近今時。

安徽知府劉奎光

出師律以定中原，想百戰芒鎗，金甌再鞏，九重枚卜，錫爵增榮；三年來緯武經文，總歸夕惕惟寅，吐握公忠，如一日。

登泰山而小天下，念衡湘地接，黍蔭桑粉，製鄂門高，謬施藹蒿；五嶺外御輪親迎，豈意早違牛子，音容彷彿，邁千秋！

待館甥聶緝規

公真一代之名臣，挽東南已墜山河，百戰奇勳，論學術本原，猶爲餘事。

我是再傳弟子，憶京洛叨陪杖履，卅年老友，每從容講貫，咸服先生。

門下晚生黃彭年

用衆行師，偉略欲過新建伯；集思廣益，虛懷宜繼武侯。

參將葉圻

五百年名世間生，三朝碩輔，試問汾陽，福澤諸葛，經綸人能兼備，厥躬古今有幾？

數千里神州底定，一柱承乾，況復吐握賢勞，先復憂榮，天不懸遺一老，中外皆驚。

私淑弟子歐陽利見

師事近三十年，薪盡火傳，築室忝爲門生長；

威名震九萬里，內安外攘，曠代難逢，天下才！

門下士李鴻章

威德達材，多將相器。  
克已勵行，以功名終。

龍節起三湘，當年時雨飛來，半壁山河重洗滌。  
門下晚生沈保靖。  
犀軍分一隊，此日大星歸去，滿天風月助淒涼。

淮揚四營營官

惟公至性過人，看武功文德，勳業懋昭，卒能弼亮三朝，終此  
生鞠躬盡瘁。

在我感恩猶後，惜外患邊防，謀猷未竟，盍不慙遣一老，爲當  
今宏濟艱難。

直隸同知陳崇砥

萬戶領侯封，墮淚恩同羊叔子，  
千秋論相業，易名不愧范希文。

年治晚生黃振綱

入正揆席，出總師干，以其身繫天下安危，真不愧元老壯猷，  
名臣碩畫！

德媿皋夔，功逾管葛，所注意在民生休戚，恨未見滇南解甲，  
隴右鎗兵。

浙江提督黃少春

禹皋相業，德在安民，卽瀾敷縮繡彰施，亦沐大賢惠政。  
唐虞盛世，歌止擊壤，論智名勇功勳，代請觀懃史成書。

部民綢緞機業  
將相一身兼，恩眷方隆，驚看劍氣歸天，星芒墮地。  
華夷同淚下，春光忽暗，愁見湘江湧浪，衝嶽埋雲。

署廣州知府周金章

海內外福寓偕依，入操廟算，出掃機氣，軒旋拓中興，尤武尤  
文資蓋畫。

死輸交情。  
江西南停雲相望，我值慙弧，公傷弭節，去來同寸晷，一生一  
賀祥麟。

聖朝養士二百年，得公輔翼中興，方爲食報！

史館書勳數萬字，似此鞠躬盡瘁，不愧封侯。

受業舒卓元

乘節歷三朝，門下屬僚多將相。  
違顏纔兩月，座中師傅竟神仙。

受業劉於濬

雅望駐江城，滕閣曾臨，一瓣心香瞻象戟。  
豐功紀廬阜，岷嶽重擬千秋淚，墨酒遺碑。

晚生劉繹

吳楚本聯疆，記義旗初指，時雨飛來，特爲生民救水火。  
匡廬成失色，恨前蠶偃蹇，大江東去，長留浩氣壯山河。

江西紳士劉繹等

臨履楊冰淵，百世同悲曾子賢；  
功勛逾溷洛，千秋不數謝公墩。

晚生張之萬。

為國家股肱心膂之臣，再造勛名郭忠武。  
銜銜嶽磅礴鬱積之氣，三朝知遇李長源。

記名提督陳濟清。

審道德，能文章，是衡湘間氣所鍾，一代宗風更誰嗣。  
以儒臣，兼武略，平東南數省大難，中興事業獨公多。

同里晚生楊昌濬。

任兼將相，翊贊中興，彤廷十六字褒忠，盡瘁鞠躬應自慰。  
鑑拔英賢，培成後進，幕府萬千人俯首，泰山北斗復。

晚生馬恩溥。

謀國之忠，知人之明，自愧不如元輔！  
同心若金，攻錯若石，相期無負平生。

晚生左宗棠。

知我十年前，問客何能門下濫竽常自愧。  
論才三代後，如公有幾，江南愛樹已難忘。

刑部郎中倪文蔚。

言軻野同悲，惟我最。

論交誼在師友之間，兼親與長，論事功在宋唐以上，兼德與  
考初出以奪情為疑，實贊其行，考戰積，以水師為最，實主其

議，艱難未預負公多。

武鄉侯學貫天人，功德兼崇，滄海橫流資手障。  
文中子門多將相，品題增重，頽山壞木等心喪。

襄陽道歐陽正瑄。

木痛！

累世託通家，卅年來，父子兄弟，奉為益友嚴師，一旦遽深變。  
中興推佐命，三代下，旂常竹帛，綜論武功文德，幾人能並大

名垂？

受業年愚姪袁保恆。

真儒事業今無匹，  
大匠裁成我最庸。

受業何敦五。

美謚媿希文，一身憂樂關天下；  
高門重元禮，三世淵源及不才。

刑部主事朱壽鏞。

勳業佐中興，何期天柱頓傾，九陛改容聞太息。  
詎歌遍南國，忍看江流不轉，千城雪涕失瞻依。

晚生喬松年。

承國家二百年致養，翊贊中興，濟艱難，資倚昇機，槍迅掃，瀛  
海胥恬，偉績炳千秋，耿耿孤忠，膠帝眷。

救東南億萬姓瘡痍，維持元氣，崇儉讓，讓休和，卿月重來，大星忽隕，羣生同一哭，依依難捨沐公恩。

前漢秦階道金國琛

是豪傑，是聖賢，本一貫薪傳，新民明德。有天爵，有良貴，歷三朝龍遇，生榮死哀。

知縣譚家瑞

神仙福分，將相經綸，更清操凜然，身後祇餘桑八百。佛子衷腸，書生面目，忽前修魏矣，心喪還有客三千。

山東知縣胡鼎祺

無忝所生，病如考，歿如妣，厥德有常，更如王父，孝友式家庭，千里奔臨空自泣。

以古為鑑，文似歐，詩似杜，鞠躬盡瘁，殆似武鄉，功名在天壤，九原可作耐人思。

弟國漢

德澤被東南，十年來，掃盡機槍，位亞汾陽，名齊諸葛。大星沈江皖，千里外，聞歸蓬島，心傷兩楚，哀動三吳。

世晚生許敏身

武緯本文經，為漢唐後儒臣吐氣。中興燧開國，與順康間元佐論勳。

晚生馮桂芬

出西州門，迤邐而來，看桑麻徧野，花柳成溪，十萬戶重觀昇。

曾文正公榮哀錄 卷一

平，遺愛難忘，白叟黃童，齊墮淚！

與中山王後先相望，幸湖水波恬，石城烽靜，五百載允符運會，大名並峙，衰衣赤為更圖形。

為東南撐半壁山河，冀大亂初平，長資柱石。是國家第一流人物，胡中興攸賴，遠殯台星。

直隸候補道蔣春元

披胸羅宿海，沈幾默運，大度能容，甘載相依，廉孟子。隻手挽銀河，陶鑄羣賢，廓清九服，千秋共仰武鄉侯。

受業陳鼎

係安危之重，為社稷之臣，功名百世，將相一家，接軫起羣英，幕下同僚，多節鉞。

出大賢之門，許急流之退，憂患相從，既平親覲，騎箕驚此日，風前老淚滿江湖。

受業萬起琛

是名士，是名將，是名相，備於一身，衡嶽湖鍾靈，天為中興降申甫。

有立德，有立功，有立言，足以千古，江流助悲咽，人誰後起繼蕭曹。

浙江候補道秦細業

砥柱仗元侯，邊徼未安，竊聞秦嶽將頽，絕筆不忘依北闕。箴規垂下吏，駢轅久戴，誰知彭城就講過門，長此哭西州。

廬州知府李炳濤

嘉惠士林，四部菁華皆授梓！  
周知民隱，百工技藝盡沾恩。

手民李光明等

其盛德非下吏所及知，但見迴斡乾坤，陶成將相。  
惟貽謀待後人之嗣事，方慰廿年吐握，四國錡折。

江蘇知縣唐煥章

簪臺游虎觀，振臂息鯨濤，文治武功，燕許汾淮齊俯首；  
星月黯湘灤，風雲憐江樹，畏威懷德，蠻夷華夏共傾心。

通家晚生志和

廿載矢忠勤，憂國方深，邊計名垂竹帛。  
三邊需保障，勞心未已，定知氣壯山河。

知縣薛元啓

活國擬汾陽，形往神留，舉世傾心瞻北斗。  
感恩同越石，路修齒至，哭公有淚滿西州。

安徽知府劉芳憲

盡瘁武鄉侯，千秋臣極！  
望隆新建伯，一代儒宗。

江西知府王廷長

武鄉淡定，汾陽朴忠，泊於公元輔奇勳，旂常特炳二千載。  
班馬史裁，蘇黃詩事，愴憶我詞垣凱誼，風雨深談四十年。

年晚生何紹基

維嶽降神，伯仲伊呂，  
秉鞭作牧，閭閻山河。

屬吏蔡匯治

開濟歷三朝，有三達尊，三不朽，八表風清，再造勳名千古少。  
威儀貞百度，爲百僚長，百世師，一宵星隕，九重震悼萬民悲。

記名道刑部郎中潘曾璋

廿年軍國久忘身，不愧千秋史册。  
三省官民齊下淚，豈徒八百孤寒。

書局士人張文虎，唐仁壽

惟大學問，功高心愈下；  
是真淡泊，身沒志益明。

世晚生許乃劍

相節昔從征，志決匡時，每飯不忘天下計。  
盡躬今盡瘁，精誠戀闕，遺章難竟老臣心。

皖南鎮潘鼎立

立德立功，超越古今名不朽；  
爲將爲相，人安中外職無虧。

江南記名道董似毅

古人，允矣方叔壯猷，召公維翰。  
於國有郭令，再造之勳，規模非三代下，苟且僥倖功名尙友。

修身見顏子不違之用緒餘，兼四科中，政事文學，精蘊師資後進，悲哉鄧侯入帛，傳說騎箕。

寶山知縣王鴻訓。

功德在人間，實至名歸，相業千秋懷太傅。  
英靈返天上，山頹木壞，心香一瓣弔鄉賢。

同知毛俊臣。

爲國家整頓乾坤，耗完心血，隻手挽狂瀾，經師人師我侍希文廿載。

痛郟城賤違函丈，永訣顏溫，鞠躬真盡瘁，將業相業，公是武鄉一流。

門人彭玉鑾。

天語悼殊深，方期梯航就道，干羽舞陪，咨策老臣偏歎逝。公歸悲不復，歷溯裴帶臨戎，江湖仗節知名婦孺盡啣恩。

寧國知府受業孫翼謀。

幾輩共佐中興，論公柱石勳名，屈指誰堪呼伯仲。祇今非無後勁，媿我湘山義勇，傷心再不荷甄陶。

姻世姪朱式雲。

兆姓慶生還，教養兼施，十年絃誦聲聞，務本先教培土氣。斯文失宗主，典型猶在，八百孤寒淚下，傷心豈爲感私恩。

三書院秀才。

七省被恩膏，偉矣勳名滿天下！

三台望星象，爛然功業在人間。

同知陳光烈。

一德契宸衷，力資都鄙廟堂，乍驚梁木遽摧，篤念蓋臣應震。

十年從父執，竊幸追隨杖履，何意平陽赴召，傷心樹蔭更難。

姻愚姪郭階。

德行言語，政事文學，一身備聖教四科，又兼勳業崇高，李郭。

范韓誰與比？

令妻悌弟，孝子，順孫，六秩占人間全福，更羨君臣際遇，臯夔。

稷契祇如斯。

直隸州莊祖基。

功高百辟，德被兆民，經濟本文章，名世間生成相業。

祀享千秋，侯封萬禩，勳猷勒鐘鼎，酬庸異數荷天恩。

張復勝。

大經濟從學問中來，當年整頓乾坤，實惟伊訓一篇，呂翰六。

奇事業由艱難而至，此日推崇德望，允宜馨香百世，圖繪千。

秋。 策。

縣丞程柱。

五百年篤生名世，武功文德，震耀古今，忽傳上相六亡，驚斯。



曾文正公榮哀錄 卷一

民誰爲先覺？

二十載依戀師門，北馬南船，奔馳壇坫，痛哭春風頓歇，微夫子吾將安歸？

受業李傳獻。

任艱鉅以佐中興，學問勳猷，共仰師表；敦故舊而撫孤弱，飲食教誨，劇感私恩。

世愚姪邵順國。

翊運仗元臣，驚地神仙驚帝夢！任賢真宰相，溥天桃李哭春風。

門人李興銳。

(附)江甯士民奉曾文正公遺像於莫愁湖，全椒薛時雨題跋。

太傅毅勇侯曾文正公，捐棄館舍，民懷召募，人思表揚。一時言衰之作，稱爲極盛。隨見節鈔，索閱者衆。遠友函告，亦願借觀，無以徧給，因就所寫各詩文，聯語，付諸剞劂，以備士林流覽，且誌民不能忘之實，而以

恩諭及公小像，暨示子書，日記，冠之惜各體鈔錄未全，擬再補錄授梓，用鑿觀者。至公之勳業德政，海內皆欽，無俟贅述。而奏議著作，現藏於家，不能倉猝編刊，若遺章及各

疏自有

國史昭垂，私家尤未敢纂集也。壬申六月謹識。

